

Deklaracija kojom se Predstavnički dom Parlamenta Federacije Bosne i Hercegovine izričito protivi odlaganju radioaktivnog otpada iz Hrvatske u blizinu granice s Bosnom i Hercegovinom, na Trgovskoj gori, odobrena je jednoglasno na sjednici ovog doma u srijedu u Sarajevu. Osnovna poruka je da se državni nivo treba aktivno uključiti u problem, usprotivi se odlaganju opasnog materijala radi zaštite zdravlja građana i kvaliteta životne sredine, koji bi mogli biti ugroženi bude li radioaktivni otpad deponiran uz granicu BiH. Deklaracija je, u biti, "apel za zaštitu sadašnjih i budućih generacija". S obzirom da je sličan akt izglasala i Republika Srpska, na sjednici je odobren zaključak u formi poziva Parlamentarnoj skupštini BiH da što prije poduzme aktivnosti na realizaciji entitetskih deklaracija. Iz Državne regulatorne agencije za radijacijsku i nuklearnu sigurnost BiH Feni je rečeno da dosadašnja mjerenja s bh. strane, na tački najbližoj lokaciji na Trgovskoj gori, nisu pokazala povišenu radioaktivnost u odnosu na prirodnu, ali i da potencijalna opasnost ne može biti isključena kad se odlaže materijal ove vrste.

izvor: energetika-net.com